




# PAC: PAGOS DIRECTOS MANUAL PRACTICO

**2015-2020**

## **NPB: ORDAINKETA ZUZENAK GIDALIBURUA**



Eguneratze-data:  
2015/02/15

## **9 NEKAZARI TXIKIEN ERREGIMEN LABURTUA**

### **9.1. Nor sartu daiteke Nekazari Txikien Erregimenean?**

2015ean oinarritzko ordainketarako eskubideak jabetzan edo alokairuan dauzkaten nekazariak, ordainketa zuzenetan guztira 1.250 euro baino gutxiago jaso behar badituzte, nekazari txikientzako erregimenean sartuko dira automatikoki, salbu eta esanbidez erabakitzen badute ez dutela hartan parte hartu nahi, 2015eko urriaren 15a baino lehen jakinarazita.

2015/09/30a baino lehen, ekoizle bakoitzaren ordainketa zuzen guztien gutxi gorabeherako behin-behineko kalkulua egingo da, eta 1.250 €-tik beherako ordainketa dagokien nekazariari horren berri emango zaie.

Jakinaraziko zaie, halaber, nekazari txikien erregimenean ez dutela parte hartu nahi erabakitzeko eskubidea badutela, nahiz eta horretarako baldintzak bete.

2015etik aurrera, nekazari berriek nekazari txikien erregimenean sartzeko aukera izango dute, baina bakar-bakarrik ordainketarako eskubiderik esleitzen bazaie erreserba nazionalaren bitartez eta laguntza zuzenetan 1.250 €-tik behera jaso behar badute, eta erregimen horretara lagapen baten bidez biltzen diren ekoizleek ere eskubide hori izango dute.

Nekazari txikien erregimeneko kide direnek ezin dezakete, inondik inora, beste edozein ordainketa zuzenik jaso.

Nekazari txikien erregimenean parte hartzen duen nekazari batek 2015ean ordainketa-eskubideak aktibatzen baditu, eskubide horiek aktibatuta egongo dira nekazari horrek erregimen horretan parte hartzen duen aldi guztian.

2015etik aurrerako kanpainetan, nekazari txikien erregimenean bildutako nekazariak erregimen horretan jarraitzeari uzteko aukera izango dute, eskaera bakarreko aldian.

**Nekazari batek Nekazari Txikien Erregimenean sartu nahi ez badu, 2017/10/15a baino lehen jakinarazi behar du**

Nekazari batek erregimen horretan parte hartzeari uko egiten badiu, aurrerantzean ezin izango du hartan berriz ere sartzeko eskatu.

**Nekazari Txikien Erregimenean sartzea ofizioz ezarriko da baldin eta 2015ean guztira jaso beharreko ordainketa zuzenen zenbatekoa 1.250 €-ra iristen ez bada. Kalkuluak zenbateko gordinen gainean egiten dira (murrizketak eta eskusioak ezarri aurretik)**

### **9.2. Zenbatekoa da Nekazari Txikien Erregimenaren barruan dagoenari dagokion ordainketa?**

Eman beharreko ordainketa 2015ean nekazariari eman beharreko ordainketa zuzenen guztizkoa da, oinarritzko ordainketaren, greeningaren, laguntza gehigarrien erregimenak barne. 2015. urtetik aurrera, zenbateko horrek ordeztuko ditu laguntza-erregimen horien harira urtean behin eman beharrekoak, eta bere horretan jarraituko du, aldaketarik gabe beraz, ondorengo kanpainetan; hortaz, konbergentzia ez da aplikatuko.

## **EGOERAK**

**2015ean nekazari batek alokairu-eskubideak deklaratu ditu bakarrik, eta guztira 1.250 €-tik beherako kopuru bat jaso behar du ordainketa zuzenetan. Nekazari Txikien Erregimenaren barruan al dago?**

Hasteko Nekazari Txikien Erregimenean sartzen zaio ofizioz, baina Erregimen horretan parte hartzeari ukoa emateko aukera ere badu. Nolanahi ere, 2013/09/15a baino lehen jakinarazi behar du ez duela erregimen horretan sartu nahi. Adi! Egoera edozein izanik ere, horrek eskubideen lagatzaile eta jabeari ez dio inola eragingo, eta eskubideek aktibatuta jarraituko dute.

### **9.3. Zer betekizun eta zer abantaila dute Nekazaritza Txikien Erregimenaren barruan sartutako nekazariak?**

Besteak beste, honako hauek bete behar dituzte:

- a) Dagozkien Erregistroetan inskribatuta egotea, Ustiategien Erregistroan, Nekazaritza Ustiategien Erregistro Orokorrean eta abar.
- b) 2015. urtean gutxienez hektarea onargarrien kopuru bat deklaratea.
- c) Erregimen horren barruan jarraitu nahi dutela berrestea, eta lurzatien gutxieneko informazioa aurkeztea 2016tik aurrera Eskaera Bakarra egiteko unean.

Bestetik, honako abantaila hauek ere baditu:

- a) Baldintzapekotasunaren araberako kontrolik ez dute izango.
- b) Ez dute greeninga bete beharrik izango.
- c) Nekazari aktiboari dagozkion eskakizunak ez zaizkie aplikatuko, dagozkien erregistroetan inskribatuta egotea izan ezik.
- d) Eskaera bakarra aurkeztean, Erregimen horretan jarraitu nahi dutela berretsiz eta lurzatiei buruzko gutxieneko informazioa aurkeztuz.
- e) Eskaera bakarrean ustiategiko nekazaritza-lurzati guztietako azalera osatu gabe deklaratzegatik aurreikusitako zigorrak ez dira aplikatuko nekazari txikien erregimenaren esparruan.
- f) Nekazari Txikien Erregimenean sartutako nekazarien izenak ez dira argitaratzen

**2016tik aurrera, Nekazari Txikien Erregimenean sartutako nekazariak, Eskaera Bakarra aurkeztean, Erregimen horren barruan jarraitu nahi dutela berretsi beharko dute, eta lurzatien gutxieneko informazioa aurkeztu.**

-----

**Gainera, 2016tik aurrera, Eskaera Bakarra aurkeztearekin batera Nekazari Txikien Erregimenean jarraitzeko ukoa aurkeztu daiteke, baina kasu horretan etorkizunean ezin izango da erregimen horretara itzuli.**

-----

**Nekazari txikien erregimenean parte hartzen duten bitartean, nekazari txikiek jabetzan edo alokairuan dauzkaten ordainketa-eskubideak ez dira baliatu gabeko ordainketa-eskubidetzat hartuko, eta hortaz ez dira erreserba nazionalera itzuli beharko.**

#### **9.4. Posible al da Nekazari Txikien Erregimeneko ordainketa-eskubideak lagatzea edo eskualdatzea?**

Ez, erregimen horretan parte hartzen duten nekazarien eskubideak ezin izango dira eskualdatu, salbu eta herentzia bat tartean dagoenean, titularrak erretiroa hartu eta lagapen-hartzailea lagatzailearen lehen mailako senidea denean, jardunari behar baino lehen uzteko programa onartuta dagoenean, edo lanerako ezintasun iraunkorren kasuetan.

Lagapen horietako baten bitartez, nekazari txikien erregimenean parte hartzen duen nekazari baten eskutik ordainketa-eskubideak jasotzen dituzten nekazariak erregimen horretan parte hartzeko aukera izango dute, baldin eta oinarrizko ordainketaren erregimenaren onuraduna izateko betekizunak betetzen badituzte, eta. lagapenean, eskubideak eskualdatu dizkien nekazariaren ordainketa-eskubide guztiak jasotzen badituzte.

**Nekazari Txikien Erregimenean bildutako nekazariari ordainketa bakarra eman behar zaie, 300 €-tik 1.250 €-ra bitarte urtean (2015ean eta 2016an barneko muga 100 eta 200 € da, hurrenez hurren).**

**Ekoizleek eskubideak lurrik gabe saltzean oinarrizko ordainketarako eskubideak guztira 300 €-tik behera badira, eskubide horien salmenta errazteko ez da inolako atxikipenik aplikatuko.**

#### **Nekazari txikien erregimenean, nola justifikatzen da nekazari aktiboa izatea?**

Nekazari horiek ez dute 80/20 araua bete behar, baina dagozkien erregistroetan inskribatu behar dute.

#### **1.250 eurotik gora jasotzen duen nekazari batek, ordainketaren zati bat bakarrik ordaindu al dezake nekazari txikien erregimenean sartu ahal izateko?**

Sartzeko erregimena ez da hautazkoa. 1.250€ baino gutxiago kobratzen duena nekazari txikien erregimenean sartzen da (horri uko egiten ez badio), eta hori baino gehiago kobratzen duena kanpo geratzen da

#### **Nekazari txikien erregimenean bildutako nekazariak ezin dute ordainketa gehigarririk jaso. Ba al dute ordainketa gehigarririk jasotzeko aukera?**

Nekazari Txikien Erregimenean sartutako nekazariak ezin dezake ordainketa gehigarririk jaso. 2015. urtean, ekoizle batek jasotako kopurua hartzen da aintzat, ordainketa gehigarriak barne. 2015ean 1.250€-tik beherako kopuru bat jasotzen badute, Nekazari Txikien Erregimenean inskribatuko zaie automatikoki, eta etorkizunean kopuru finko bat jasoko dute (ezarri beharrekoa), baina ezin izango dute ordainketa gehigarririk jaso.